

INFORMACIJA

o kreditu Međunarodnog fonda za poljoprivredni razvoj (IFAD) za financiranje Projekta razvoja ruralnog poslovanja (RBDP)

Međunarodni fond za poljoprivredni razvoj (IFAD) je Bosni i Hercegovini odobrio Projekat razvoja ruralnog poslovanja (RBDP), kao 6. IFAD Projekt za BiH, i osigurao sredstva za realizaciju Projekta u iznosu do 8.050.000,00 SDR (ekvivalent 12.294.500,00 USD) od čega se na Federaciju Bosne i Hercegovine odnosi 60 % što iznosi 4.805.000,00 SDR (ekvivalent 7.345.000,00 USD).

Vlada Federacije BiH je na svojoj 162. sjednici održanoj 14.02.2011. godine usvojila Zaključak broj: 113/2011, kojim je podržala inicijativu da se zaduženjem kod Međunarodne fonda za poljoprivredni razvoj, osiguraju sredstva za realizaciju Projekta razvoja ruralnog poduzetništva.

Pregovori između delegacije IFAD-a i predstavnika nadležnih institucija Bosne i Hercegovine za zaključivanje kreditnog i Projektnih sporazuma su okončani u decembru 2011. godine, kada su usaglašeni i obostrano prihvaćeni nacrti Sporazuma o financiranju projekta i Projektnih sporazuma.

Projekat se sastoji od četiri komponente, i to:

Komponenta 1: Potpora ruralnim biznisima.

Ciljna skupina za ovu komponentu će biti poljoprivrednici (mali posjednici) u ciljanim općinama, ruralni poduzetnici i neuposlena mladež i žene, koji planiraju ostvariti priliku za ostvarivanje prihoda u primarnoj poljoprivrednoj proizvodnji.

Komponenta 2: Ulaganja u ruralne biznise. Ova komponenta je osmišljena kako bi promicala veze između poljoprivrednika i postojećih finansijskih institucija u nepokrivenim općinama na selu u projektnom području.

Komponenta 3: Ruralna infrastruktura za povezivanje sa tržištem. Komponenta ruralne tržišne infrastrukture je osmišljena kako bi riješila ključnu potrebu za fizičkom infrastrukturom sela u siromašnim općinama i pomogla im da ekonomski ojačaju i zadovolje osnovne potrebe za infrastrukturom. Glavni kriteriji odabira bit će objekti infrastrukture koji unapređuju prilike za agro-biznis i ruralno poduzeće.

Komponenta 4: Projektni menadžment i upravljanje Projektom. Realizacija projekta će biti povjerena postojećim PCU jedinicama, koje rade na realizaciji tekućih projekata IFAD-a i čija im je uključenost u prethodne projekta IFAD-a omogućila sticanje operativnog iskustva i znanja. Jedinica za koordinaciju projekta - PCU realizirati će Projekat u skladu s godišnjim planovima rada i budžeta pripremljenim u saradnji sa predstavnicima ciljne skupine, opšina i pružalaca usluga i odobrenim od strane UO Projekta i IFAD-a.

Sredstva kredita odobravaju se Federaciji pod sljedećim uvjetima i rokovima:

- rok otplate:.....20 godina
- grace period:.....10 godina
- kamatna stopa:.....0%
- troškovi servisiranja duga:.....0,75% godišnje
- dospijeća:.....polugodišnja
- datumi plaćanja glavnice i kamata:....15. februar i 15. august svake godine

Projektni opći cilj je smanjenje siromaštva na selu kroz povećanje prihoda ciljne skupine i osnaživanje njihove sposobnosti brzog oporavljanja gradeći profitabilna farmska i ne-farmska poduzeća. Razvojni cilj projekta je pomoći poljoprivrednicima za preživljavanje, uz nastojanje da pređu iz oblika proizvodnje za vlastite potrebe (potrošnju) na komercijalno bavljenje poljoprivredom, te da im se pomogne u razvijanju sektora ne-farmskih poduzeća i stvaranje prilika za zapošljavanje na selu. Od projekta se očekuje da pruži izravnu korist za preko 20.000 ruralnih domaćinstava.

Federalno ministarstvo poljoprivrede, vodoprivrede i šumarstva kao resorno ministarstvo zaduženo za ruralni razvoj i pomoć u razvitku poljoprivrede, putem Ureda za koordinaciju projekata (PCU), Projektom razvoja ruralnog poduzetništva nastoji da pomogne malim poljoprivrednim proizvođačima (farmerima) u Bosni i Hercegovini u nastojanjima da pređu sa proizvodnje za preživljavanje na komercijalno bavljenje poljoprivredom, što je u suglasnosti sa strategijama razvoja poljoprivrede na državnom i entitetskom nivou. Naime oko 80 % poljoprivrednika u zemlji su mali posjednici koji su ograničeni malim i nekomercijalnim posjedima za proizvodnju, slabim vezama i pristupom tržištu, nedovoljno pristupačnim kvalitetnim i prihvatljivim finansijskim uslugama. Također je ovdje vrlo bitan nedostatak potrebne ruralne infrastrukture za bolje povezivanje sa tržištem ili za produženo čuvanje svježine proizvoda u ruralnim područjima.

Odabrane općine za ovaj projekat po kantonima u F BiH su:

1. **Unsko-sanski kanton:** Bosanska Krupa, Bosanski Petrovac i Bužim
2. **Posavski kanton:** Orašje i Odžak
3. **Tuzlanski kanton:** Čelić, Teočak, Sapna, Kalesija i Kladanj
4. **Zeničko-dobojski kanton:** Vareš i Breza
5. **Bosansko-podrinjski kanton:** Foča-Ustikolina, Goražde i Pale-Prača
6. **Srednje-bosanski kanton:** Dobretići, Jajce i Gornji Vakuf/Uskoplje
7. **Hercegovačko-neretvanski kanton:** Neum, Ravno i Stolac;
8. **Zapadno-hercegovački kanton:** općina Grude
9. **Sarajevski kanton:** Trnovo
10. **Kanton 10 (Livanjski kanton):** Drvar, Bosansko Grahovo, Glamoč i Kupres.

Ciljna skupina za predloženi projekt su:

1. mali poljoprivredni proizvođači zainteresirani za komercijalnu poljoprivredu.
2. udruge proizvođača i zadruge, koje su orjentirane prema malim poljoprivrednim posjednicima, i njihovog povezivanja radi zajedničkog i boljeg pristupa tržištu.
3. nezaposlene žene i omladina bez zaposlenja zainteresirani za farmsko ili nefarmsko zaposlenje u poduzećima u ruralnim područjima uz adekvatnu plaću.

Efekte koji se očekuju provođenjem ovog Projekta su slijedeći:

- Povećana produktivnost i poduzetništvo kroz osnažene poslovne i savjetodavne usluge,
- Povećan pristup održivim finansijskim uslugama,
- Pобољшан pristup tržištima,
- Pобољшана ruralna infrastruktura i bolja povezanost sa tržištem.

Očekuje se da će projekt dovesti do povećanja prosječnih prihoda domaćinstava iz poljoprivrednih izvora za oko 30%. Povećanje zaposlenosti žena i omladine se projicira na oko 5% do 10% povećanja.

Projektno područje obuhvata približno 77.670 ruralnih domaćinstava od kojih se (procjenjuje se) 38% ili 29.512 domaćinstava svrstava u grupu siromašnih ili su pri riziku da postanu siromašni. Strategija razvoja poljoprivrede uključuje posebne procedure i kriterije odabira da bi se osiguralo da se prvenstveno rješavaju potrebe i prioritete ranjivijih skupina, kao što su siromašna domaćinstva, žene i neuposlena mladež. Od projekta će direktno korist imati oko jedne trećine ruralnih domaćinstava (približno oko 20.000 domaćinstava ili oko 80.000 žitelja).

Za financiranje Projekta, u Budžetu Federacije BiH nije potrebno osigurati dodatna finansijska sredstva za sufinansiranje.

Imajući u vidu navedeno, Vlada Federacije Bosne i Hercegovine utvrdila je Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodnog fonda za poljoprivredni razvoj (IFAD) za realizaciju Projekta ruralnog razvoja poslovanja (RBDP).